

Na osnovu člana 13. , a vezi sa članom 8. Stav 3. alineja. 29. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 4. stav. 2. Zakona o komunalnim djelatnostima („Sl novine TK“,br: 11/05, 7/07, 8/12, 14/13 i 11/20), a u skladu sa odredbama Zakona o zaštiti i dobrobiti životinja („Službeni glasnik BiH“, br: 25/09), Zakonom o veterinarstvu („Sl.Novine FBiH“ br: 40/00), Odluke o komunalnom redu općine Banovići („Sl.glasnik općine Banovići“, br:7/18) i člana 26. Statuta općine Banovići („Službeni glasnik općine Banovići“, broj: 2/20), Općinsko vijeće Banovići na ___ redovnoj sjednici održanoj dana _____.2021. godine, d o n o s i

ODLUKU

o obavljanju kafilerijskih poslova na području općine Banovići

I OPĆE ODREDBE

Član 1.

Ovom odlukom određuju se značenje pojmova za obavljanje kafilerijskih poslova, obaveze i odgovornosti davaoca i korisnika komunalne djelatnosti, način finansiranja i osiguranja sredstava za obavljanje kafilerijskih poslova, uslovi i načini držanja kućnih ljubimaca, nadležnost veterinarske ili ovlaštene organizacije, registracija i kretanje životinja po javnim površinama i objektima javne namjene, kontrola razmnožavanja, nadležnost veterinarske ili ovlaštene organizacije, način postupanja sa izgubljenim i napuštenim životinjama, psima i mačkama lualicama, skloništa za životinje, usmrćivanje i eutanazija životinja, neškodljivo uklanjanje životinjskih leševa, procedura uklanjanja/uništavanja leševa pokapanjem na licu mjesta, procedura uklanjanja leševa pokapanjem u stočna groblja, nadzor i kaznene odredbe.

Član 2.

Pod obavljanjem kafilerijskih poslova podrazumijevaju se poslovi uklanjanja pasa lualica, eutanazija i neškodljivo uklanjanje životinjskih leševa sa javnih površina.

U ovoj odluci u upotrebi su pojmovi sa sljedećim značenjem:

- **kućni ljubimci su:** psi, domaće mačke, domaće ptice, mali glodari, terarijske akvarijske i druge životinje koje se uzgajaju ili drže za društvo rekreaciju zaštitu ili pomoć čovjeku,
- **imalac ili vlasnik životinje** je fizičko ili pravno lice koje je vlasnik životinje, ili bilo koje drugo lice koje je stalno ili povremeno:
 1. vlasnik životinje,
 2. odgovorno ili zaduženo za životinju,
- **izgubljena životinja**, je ona životinja koja je napustila vlasnika bez njegove volje i on je traži,
- **napuštena životinja** je kućna životinja koju je vlasnik svjesno napustio,

- **psi i mačke litalice**- su životinje koje nisu pod izravnom kontrolom vlasnika, ili ih se ne sprečava u lutanju,
- **sklonište za životinje**- je prostor u kojem se smještaju pronađene(napuštene i izgubljene) životinje na daljnju brigu i moguće udomljavanje,
- **higijenski servis**- je služba za prikupljanje, napuštenih, izgubljenih i uginulih životinja, koji osnivaju pravna lica u skladu sa odredbama ovog zakona,
- **eutanjazija**- je poseban način usmrćivanja koje isključuje patnju i bol životinje.

II OBAVEZE I ODGOVORNOSTI DAVAOCA I KORISNIKA KOMUNALNE DJELATNOSTI

Član 3.

Davalac komunalne usluge poslove iz tačke 2. stav 1. ove Odluke, vršiti će Javno komunalno preduzeće ili drugo pravno ili fizičko lice kome je Odlukom općinskog vijeća povjereno vršenje komunalnih djelatnosti pisanim Ugovorom u skladu sa Zakonom o javnim nabavkama.

Član 4.

Obavljanja kafilerijskih poslova vrši se na osnovu Plana i programa vršenja kafilerijskih poslova kojeg priprema davalac komunalne usluge na osnovu pisanih smjernica nadležne službe za komunalne poslove uz saglasnost Općinskog vijeća, koju Općinsko vijeće daje na prijedlog Općinskog Načelnika.

Nadzor nad izvršavanjem Plana i programa vršenja kafilerijskih poslova vrši ovlašteno lice, koje imenuje Općinski načelnik.

Postupanje sa psima i drugim životinjama vrši se u skladu sa odredbama Zakona o zaštiti i dobrobiti životinja i drugim važećim zakonskim propisima.

Član 5.

Odredbe ove Odluke ne primjenjuju se na službene pse koje u obavljanju svojih poslova koriste tijela državne uprave i druge pravne osobe (npr. policija, granična služba, zaštitari i sl.), kao i na pse osposobljene za pomoć osobama sa posebnim potrebama i invaliditetom (npr. vodiče slijepih i slabovidnih osoba), te pse tartufare i lovačke pse samo za vrijeme lova.

Držanje i kretanje lovačkih pasa za vrijeme lova izvan naselja regulisan je Zakonom o lovstvu, propisima proizašlim iz naprijed navedenog Zakona i drugim pozitivnim zakonskim propisima.

Odredbe ove Odluke primjenjuju se i na ostale kućne ljubimce koji su definisani Zakonom o zaštiti i dobrobiti životinja BiH.

III NAČIN FINANSIRANJA I OSIGURANJA SREDSTAVA ZA OBAVLJANJE KAFILERIJSKIH POSLOVA

Član 6.

Finansiranje vršenja kafilerijskih poslova vrši SE iz Budžeta Općine Banovići , te drugih izvora obezbjeđenja sredstava u skladu sa odredbama Zakona o komunalnim djelatnostima TK.

Higijenski servisi i skloništa za životinje se finansiraju iz: Budžeta općine i drugih izvora po posebnim propisima (donacije, pokloni i drugo).

IV USLOVI I NAČIN DRŽANJA KUĆNIH LJUBIMACA

Član 7.

Na području općine Banovići dozvoljeno je držanje pasa, mačaka, ptica i drugih ukrasnih životinja, te raznih izložbenih manjih životinja koje se uzgajaju u okviru sportskih društava evidentiranih kod nadležnih veterinarskih ustanova i pod nadzorom i kontrolom nadležne veterinarske inspekcije, ukoliko se njihovim držanjem ne ugrožavaju susjedni korisnici stanova i objekata i ukoliko nisu ugroženi higijenski, sanitarni i drugi uslovi gradskog područja.

Imalac ili vlasnik životinje je obavezan da drži životinju na način da joj obezbjedi adekvatan smještaj, neophodnu njegu, pravilnu ishranu, osiguranje dovoljnog kretanja, odgovarajuće uslove u prostoru u kojem boravi i zdravstvenu zaštitu u skladu sa važećim zakonskim propisima kojima se uređuje dobrobit životinja.

Član 8.

U objektima i zgradama kolektivnog stanovanja nije dozvoljeno držanje pasa i mačaka na balkonu, terasi ili lođi i uvođenje pasa i mačaka u liftove osim kada iste istovremeno ne koriste stanari i građani.

Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu s ovom Odlukom i pozitivnim zakonskim propisima.

Član 9.

Držanje opasnih životinja kao kućnih ljubimaca regulirano je Pravilnikom o držanju opasnih životinja („Službeni glasnik BiH“, broj 27/10).

Član 10.

Imalac ili vlasnik kućnog ljubimca je dužan životinju držati u skladu sa pozitivnim zakonskim propisima, te odredbama ove Odluke.

Držanje kućnih ljubimaca u stanovima i kretanje kućnih ljubimaca zajedničkim dijelovima zgrada i dvorištima zgrada te čišćenje tih prostorija i prostora od fekalija kućnih ljubimaca, zajednički utvrđuju suvlasnici zgrade, odnosno korisnici stanova, a za izvršenje su zaduženi vlasnici/držaoci kućnih ljubimaca.

Član 11.

Psu koji se drži u neograđenom dvorištu mora biti ograničeno kretanje, na način da ne ometa kretanje i sigurnost građana, odnosno mora biti smješten u boks ili ograničen na drugi način kojim će se životinja tretirati humano i koji će osigurati da se životinja neće moći samostalno udaljiti.

Pas se može vezati oko vrata adekvatnom ogrlicom ili kaišem koji se ne usijeca u kožu i koji ne može dovesti do povreda.

Imalac ili vlasnik ne smije vezati psa na lanac koji je kraći od 3 (tri) metra ili trostruke dužine životinje, mjereno od vrha repa do vrha njuške, a pri određivanju dužine lanca koristi se dužina povoljna za životinju.

Ukoliko se pas drži u ograđenom prostoru za psa ili kućici za psa, smještaj kućice ili ograđenog prostora mora biti takav da ne ugrožava/ometa stanovanje u susjednom dvorištu.

Član 12.

Pas koji se drži u ograđenom dvorištu ili drugom zemljištu ne mora biti vezan ukoliko ograda svojom visinom i čvrstoćom osigurava sigurnost prolaznika i susjeda.

Iznimno od odredbi stava 1. ovog člana, komunalni inspektor i komunalni redar može narediti vlasniku/držaocu psa da psa drži vezanoga ili u ograđenom prostoru za pse, ako slobodan pas u ograđenom dvorištu/okućnici koja graniči sa javnim putem, učestalo uznemirava ili ugrožava prolaznike.

Imalac ili vlasnik psa koji drži psa na način utvrđen u stavu 1. ovog člana mora na vidnom mjestu postaviti oznaku koja upozorava na psa i mora imati ispravno zvono na ulaznim dvorišnim vratima.

V REGISTRACIJA I KRETANJE KUĆNIH LJUBIMACA NA JAVNIM POVRŠINAMA I OBJEKTIMA JAVNE NAMJENE

Član 13.

Upisivanje pasa u registar i čipovanje je obavezno za sve imaoce/vlasnike pasa na području općine Banovići.

Svaki pas mora biti označen na propisani način, u skladu sa ovom Odlukom i drugim pozitivnim zakonskim propisima a imaoce/vlasnike mora imati propisanu službenu ispravu/dokument o upisu (registraciji i čipovanju), vakcinaciji protiv bjesnila i obavljenom tretmanu protiv parazita.

Imaoce/vlasnici pasa dužni su registrovati pse u roku od sedam dana od dana sticanja vlasništva, u veterinarskoj organizaciji koja vodi registar životinja.

Za vođenje registra pasa čipovanje, vakcinaciju protiv bjesnila i tretman protiv parazita, te izdavanje službene isprave/dokumenta nadležna je Veterinarska stanica ili druga ovlaštena organizacija.

Za troškove upisa pasa, obaveznog označavanja-čipovanja pasa, vakcinacije pasa protiv bjesnila, tretmana protiv parazita i izdavanja službenih isprava/dokumentacije plaća se naknada u skladu sa Zakonom o veterinarstvu FBiH („Službene novine FBiH“, broj 46/00) i Cjenovnikom minimalnih i maksimalnih cijena veterinarskih usluga na teritoriji Federacije Bosne i Hercegovine („Službene novine FBiH“, broj 43/13).

Imalac/ vlasnik psa je dužan prijaviti nabavku, odnosno uginuće ili otuđenje psa u roku od 15 dana od dana nabavke, uginuća ili otuđenja nadležnoj Veterinarskoj stanici ili ovlaštenoj organizaciji, koja vodi registar pasa.

Evidenciju cijepljenih/vakcinisanih i označenih/čipovanih pasa ovlaštena veterinarska stanica dužna je redovno dostavljati Službi nadležnoj za komunalne poslove.

Član 14.

Na javne površine mogu se izvoditi psi i mačke za koje imalac/vlasnik posjeduje službenu ispravu/dokument kojim se dokazuje da su prethodno uredno registrirani, čipovani, vakcinisani protiv bjesnila i tretirani protiv parazita u nadležnoj Veterinarskoj stanici, u skladu s ovom Odlukom i pozitivnim zakonskim propisima.

Član 15.

Kućnim ljubimcima koji se kreću slobodno ili na povodcu, zabranjeno je kretanje na tržnicama–pijacama, grobljima–mezarjima, dječijim igralištima, cvijetnjacima, neograđenim i ograđenim sportskim terenima, kupalištima, ugostiteljskim objektima, bankama, vozilima javnog prevoza, na javnim skupovima, te neograđenim i ograđenim dvorištima škola i vrtića, i na drugim javnim površinama, što će se po pravilu označiti znakom sa prekrizanim likom psa.

O dozvoli ili zabrani uvođenja kućnih ljubimaca u objekte, hotele, apartmane i druge smještajne i ugostiteljske kapacitete, odlučuje vlasnik objekta i to označava postavljanjem naljepnice sa likom psa, odnosno s prekrizanim likom psa na ulaznim vratima objekta.

Znakove iz stava 1. ovog člana na javnim površinama postavlja i održava pravno ili fizičko lice kome su ti poslovi povjereni od strane Općine, uz saglasnost nadležne Službe, a za privatne objekte i površine za postavljanje znakova zaduženi su vlasnici površina i objekata.

Zabranjeno je dovođenje i napuštanje kućnih ljubimaca, posebno pasa i mačaka na područje općine Banovići s područja drugih općina.

Član 16.

Ograničenje kretanja pasa ne primjenjuje se na službene pse i pse osposobljene za pomoć osobama sa posebnim potrebama.

Član 17.

Vlasnici/držaoci pasa mogu psa izvesti izvan zatvorenog prostora samo na kratkom povodniku dužine do 3 m.

Opasne pse na javnu površinu mogu izvoditi samo punoljetna lica, a psi se moraju voditi na uzici i sa zaštitnom korpom na njušci na svim javnim površinama.

Opasnim psima smatraju se psi koji zbog urođenih osobina ili izvježbanosti su opasni po sigurnost, ljude i životinje, a tu spadaju: doberman, američki statfordi, terijeri, pit-bul terijeri, doge, njemački i belgijski ovčari, borilački psi, šarplaninci i njihovi križanci.

Opasan/agresivan pas može biti bilo koja jedinka te vrste, porijeklom od bilo koje pasmine a činjenicu da je pas opasan utvrđuju stručna lica Veterinarske stanice prilikom registracije psa ili na zahtjev vlasnika ili komunalnog inspektora.

Po podnesenoj prijavi postupak vodi Služba za inspeksijske poslove.

Pravno ili fizičko lice kome je Općina povjerila obavljanje ovih poslova, u parku i drugoj javnoj zelenoj površini postaviti će vidne oznake na kojima je naznačeno u kom vremenskom periodu i u kojim dijelovima je zabranjeno slobodno kretanje pasa.

Pas koji nije opasan se može puštati s povodca da se slobodno kreće samo u parku i na drugoj javnoj zelenoj površini koje nisu vidno obilježene zabranom

Član 18.

Imalac ili vlasnik kućnog ljubimca dužan je pri svakom izvođenju kućnog ljubimca na javnu površinu nositi pribor za čišćenje (vrećica, papir, posuda i slično) i očistiti javnu površinu koju njegov kućni ljubimac onečisti na bilo koji način.

Obaveza čišćenja iz stava 1. ovog člana odnosi se i na osobe koje hrane pse ili mačke lutalice, usljed čega dolazi do onečišćenja javne površine ostacima hrane ili drugim predmetima koji služe za njihovo hranjenje (posude za hranu i slična ambalaža i predmeti).

Član 19.

Ako pas ošteti nečiju imovinu ili nanese povredu, vlasnik/držalac životinje je odgovoran za nanesenu povredu, isto tako dužan je i odgovoran izvršiti popravku ili nadoknaditi materijalnu štetu oštećenom fizičkom ili pravnom licu.

Imalac ili vlasnik napuštene ili izgubljene životinje dužan je nadoknaditi svaku štetu koju počini životinja od trenutka nastanka ili napuštanja do trenutka njezina vraćanja ili odgovarajućeg zbrinjavanja.

Imalac ili vlasnik kućnog ljubimca koji se o njemu ne može brinuti dužan je pronaći udomitelja, odnosno udruženje građana ili osobu koja će o njemu brinuti na propisan način ili ga predati skloništu za životinje kada se osnuje u skladu sa zakonom, te snositi troškove boravka do udomljenja ili drugog načina zbrinjavanja životinje.

VI NADLEŽNOSTI VETRINARSKE ILI OVLAŠTENE ORGANIZACIJE

Član 20.

Veterinarska stanica ili ovlaštena organizacija za postupanje sa životinjama, u skladu s ovom Odlukom i pozitivnim zakonskim propisima, u okviru svoje djelatnosti, ambulantno, u kućnim posjetama i u privrednim objektima, obavljaju poslove:

1. utvrđuju da li postoji sumnja na zaraznu i parazitaru bolest,
2. utvrđuju stepen agresivnosti kod pasa i drugih kućnih ljubimaca,
3. provode odgovarajuće preventivne veterinarsko-zdravstvene mjere u cilju sprečavanja pojave i širenja opasnih zaraznih i parazitarne bolesti koje se sa životinja mogu prenijeti na ljude te nalaže mjere i radnje koje je vlasnik/držalac životinje dužan odmah izvršiti u skladu sa zakonom,
4. utvrđuju stepen povrede pasa i drugih kućnih ljubimaca i
5. provode druge mjere, radnje i postupke u skladu s ovom Odlukom i drugim pozitivnim zakonskim propisima.

VII KONTROLA RAZMNOŽAVANJA

Član 21.

Imalac ili vlasnik psa je dužan osigurati kontrolu razmnožavanja psa, te mora onemogućiti i spriječiti svako nekontrolisano i neplanirano razmnožavanje pasa.

Prilikom planiranja razmnožavanja psa, imalac ili vlasnik psa je dužan voditi računa o broju potomaka psa radi osiguranja prostornih i drugih uslova držanja u skladu sa propisima o veterinarstvu, zaštiti i dobrobiti životinja, te ovom Odlukom.

Kontrola razmnožavanja pasa provodi se preventivnim djelovanjem, te sterilizacijom ili kastracijom.

Troškove za obavljanje poslova iz stava 3. ovog člana za vlasničke pse snosi imalac ili vlasnik psa, dok se troškovi za napuštene, izgubljene pse, pse i mačke lualice finansiraju iz budžeta općine Banovići i drugih izvora finansiranja.

VIII NAČIN POSTUPANJA SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA

Član 22.

Imalac ili vlasnik izgubljene životinje dužan je izgubljenu životinju prijaviti Veterinarskoj stanici ili voditelju skloništa za životinje najkasnije u roku od 48 sati.

Član 23.

Hvatanje, skupljanje, transport, smještaj i zbrinjavanje napuštenih i izgubljenih životinja, pasa koji se kreću javnom površinom bez nadzora vlasnika, te pasa i mačaka lualica osiguravaju zaposleni u higijenskom servisu i skloništu za životinje kojeg u skladu sa Zakonom o zaštiti i dobrobiti životinja BiH (Službeni glasnik BiH broj 25/09) osniva fizička ili pravna lice, Općina, grad, kanton ili entitet.

Na području općine Banovići poslovi hvatanja, skupljanja, transport, smještaj i zbrinjavanje napuštenih i izgubljenih životinja, pasa koji se kreću javnom površinom bez nadzora vlasnika, te pasa i mačaka lualica, vršit će se na human način i bez zlostavljanja, uz primjenu odgovarajuće opreme i prevoznih sredstava, a u skladu sa propisima o zaštiti i dobrobiti životinja i veterinarstvu.

Obavljanje poslova navedenih u stavu 2. ovog člana, vršit će davalac komunalne usluge, a koji će registrovati djelatnost za poslove Higijenskog servisa, shodno Pravilniku o osnivanju i uslovima koje moraju ispunjavati higijenski servisi („Sl. glasnik BiH“, br: 27/10) i sklonište za životinje shodno pravilniku o osnivanju i uvjetima koje moraju ispunjavati skloništa za životinje („Sl. glasnik BiH“, br: 27/10) i u skladu sa drugim važećim zakonskim propisima.

Općina Banovići i davalac usluge ugovorom će regulisati međusobna prava i obaveze za obavljanje poslova iz stava 2. ovog člana.

Općina Banovići, putem nadležne Sužbe i inspekcije, vršit će nadzor nad obavljanjem poslova navedenih u stavu 1. ovog člana, u skladu sa Zakonom o veterinarstvu F/BiH („Službene novine FBiH“, broj 46/00), Zakonom o komunalnim djelatnostima („Službene novine TK“, broj 11/05, 7/07, 8/12 i 14/13), Zakonom o dobrobiti životinja („Sl. glasnik BiH“, broj: 25/09) i općinskom Odlukom o komunalnom redu („sl. glasnik općine Banovići“, broj: 7/18).

IX SKLONIŠTA ZA ŽIVOTINJE

Član 24.

Skloništa za životinje su prostori u kojima se smještaju pronađene (napuštene i izgubljene) životinje radi daljnje brige i mogućeg udomljavanja.

Član 25.

Upravna tijela dužna su osnovati skloništa za životinje.

Sklonište za pse može se formirati za potrebe više općina, a u tom slučaju dozvolu za obavljanje djelatnosti izdaje mjerodavno pravno tijelo općine na čijem području se formira sklonište za životinje.

Sklonište za životinje može započeti obavljati djelatnost na temelju dozvole koju izdaje mjerodavno upravno tijelo općine Banovići na čijem području se formira sklonište za životinje.

Lokaciju, izgradnju, te eventualno proširenje skloništa za životinje odredit će općina Banovići, u saradnji sa davaocem komunalne usluge ili na drugi način u skladu sa pozitivnim zakonskim propisima.

Član 26.

U sklonište za životinje se smještaju životinje u skladu pozitivnim zakonskim propisima, i to:

1. izgubljene životinje do vraćanja vlasniku/držaocu,
2. napuštene životinje kojima se ne može utvrditi vlasnik/držalac u roku od 8 dana od dana smještanja u sklonište za životinje i
3. životinje kojima vlasnik/držalac ne može osigurati uslove držanja u skladu sa njihovim potrebama do okončanja ćipovanja i sterilizacije.

Troškove hvatanja, transporta, smještaja kao i brigu o životinja, iz stava 1. alineja 1. ovog člana, snosi vlasnik/držalac životinje, a troškovi smještaja životinja, iz stava 1. alineja 2. ovog člana, podmiruju se iz budžeta Općine, osim ako se vlasnik/držalac naknadno ne utvrdi.

Cijenu usluge za smještaj životinja u sklonište za životinje koje snosi imalac/vlasnik životinje utvrđuje voditelj sklonište za životinje(davalac komunalne usluge), uz saglasnost općinskog vijeća, po uputstvu nadležne službe.

Član 24.

Za hvatanje i smještanje divljih životinja i zaštićenih divljih životinja s javnih površina (uz primjenu i korištenje odgovarajuće opreme) nadležna je Veterinarska stanica ili ovlaštena organizacija, u skladu s propisima o zaštiti životinja, zaštiti prirode i veterinarstvu.

Uhvaćena divlja životinja zalutala iz lovišta na području općine Banovići, odmah po hvatanju se vraća u lovište, osim ako nije uhvaćena divlja životinja za koju postoji osnovana sumnja da je opasna za širenje zaraznih bolesti s kojima se postupa u skladu sa pozitivnim zakonskim propisima.

Troškovi hvatanja i smještaja divlje životinje u sklonište za životinje, namirit će se iz budžeta Općine, a troškove hvatanja iz stava 2. ovog člana snosi lovačko društvo koje ima pravo lova u lovištu u koje je životinja vraćena.

Član 25.

Napuštenim i izgubljenim životinjama potrebno je obezbjediti adekvatan smještaj i veterinarsko-zdravstvenu pomoć.

Ako je životinja bolesna ili povrijeđena, te se ne može izliječiti, dozvoljeno joj je oduzeti život na način koji uzrokuje minimalnu bol, patnju ili trpljenje (eutanzija).

Zabranjeno je napuštene i izgubljene životinje iskoristiti u svrhu vršenja eksperimenata.

Član 26.

Vlasnik skloništa za pse dužan je da:

- a) Obezbijedi dovoljnu količinu hrane i vode za životinje,
- b) Obezbijedi veterinarsko-zdravstvenu zaštitu životinja,
- c) Obezbijedi dovoljno životnog prostora za svaku životinju,
- d) Vodi evidenciju o svakoj zbrinutoj životinji,
- e) Vodi evidenciju o svakoj udomljenoj životinji.

Imalac životinje ima pravo da zahtijeva vraćanje životinje koja je nađena i smještena u sklonište u roku od osam dana smještanja u sklonište, u protivnom životinja se može dodjeliti drugom zainteresovanom licu.

Lice koje udomi pronađenu životinju dužno je da potpiše izjavu o udomljavanju životinje.

Životinje iz skloništa koje nije moguće udomiti mogu se nakon 30 dana držanja usmrtiti.

Nadležni organ jedinice lokalne samouprave izdaje odobrenje tj. dozvolu za formiranje skloništa za životinje.

Voditelj skloništa može odbiti prijem životinje i uputiti posjednika sa životinjom u veterinarsku stanicu, ako primjeti određeno stanje.

U obavljanju registrirane djelatnosti sklonište za životinje, postoje i dodatni uvjeti a to su:

- a) O minimalnim standardima držanja životinja,
- b) O vođenju evidencije o životinjama,
- c) O prijevozu životinja.

Član 27.

Zabrana postupanja se posebno odnosi na pse da:

- a) Ne trpe glad i žeđ,
- b) Nisu izložene fizičkoj nelagodi i tjeskobi,
- c) Zaštićene su od ozljeda i bolesti,
- d) Nalaze se u svojoj vrsti primjerenom okolišu.

Član 28.

Objekti moraju biti smješteni na takvom mjestu da ne narušavaju rad i cjelovitost postojećih nastambi i da ne onečišćuju okoliš.

Objekti moraju biti namjanje 250-300 metara udaljeni od naseljenog mjesta.

Udaljenost nastambi od naseljenog mjesta može biti i manja, no u tom slučaju moraju biti ograđeni čvrstom ogradom, najmanje visine 2m kako bi se osigurala zvučna i vizualna izoliranost od okoline.

Objekti mogu biti izgrađeni samo na kompaktnom i ocjeditom tlu s niskom razinom podzemnih voda, te izvan područja koja mogu biti ugrožena poplavama i klizanjem terena.

Krug objekta mora biti dovoljno prostran da osigura njihovu funkcionalnu povezanost, te ograđen prikladnom ogradom, a sve površine koje nisu betonirane ili asfaltirane moraju biti pod uredno održavanim zelenilom.

Temperatura zraka u prostorijama za pse ne smije biti niža od +5 stepeni C, a ljeti može biti sukladna vanjskoj temperaturi zraka, s tim da u tom slučaju mora biti osiguran takav sastav prozračivanja, a prema potrebi i klimatizacijski sastav, koji će osigurati dovoljno prozračivanje, a prema potrebi i rashlađivanje.

X USMRĆIVANJE I EUTANAZIJA ŽIVOTINJA

Član 29.

Usmrćivanje životinja može se provesti ako:

1. je potrebno radi održavanja prirodne ravnoteže u lovištu u skladu sa Zakonom o zaštiti i dobrobiti životinja BiH („Službeni glasnik BiH“, broj 25/09.) i Zakona o lovstvu, i ako
2. se odvija u okviru mjera za uništavanje štetočina (pasa i mačaka) koje se nekontrolisano kreću po lov

Član 30.

Eutanazija životinja može se provesti ako:

1. se životinja ne može izliječiti, a ostanak u životu će joj uzrokovati nepotrebne bolove i patnju,
2. je životinja dostigla visoku starost i otkazuju joj osnovne životne funkcije,
3. životinja boluje od neizlječive i/ili zarazne bolesti, posebno one koja može ugroziti ljude,
4. je životinja opasna za okolinu, i ako
5. je životinja u agoniji. Za slučajeve iz stava (1) tačke a) i b) ovog člana, o usmrćivanju odlučuje vlasnik/držalac životinje, po preporuci veterinara, a za slučajeve iz stava (1) tačke c), d) i e) ovog člana veterinar.

Ako se radi o kućnom ljubimcu, troškove snosi imalac/vlasnik, a ako se radi o psima i mačkama lualicama troškovi padaju na teret budžeta Općine Banovići.

XI NEŠKODLJIVO UKLANJANJE ŽIVOTINJSKIH LEŠEVA

Član 31.

Ubijene, uginule i pregažene životinje (nepoznatih vlasnika) uklanjaju se sa javnih površina specijalnim vozilom, a pokopavaju se na mjestu koje odredi općinska služba nadležna za komunalne poslove.

Uklanjanje pasa lualica, mačaka i drugih životinja bez vlasnika, eutanazija i neškodljivo uklanjanje životinjskih leševa sa javnih površina, vrsi Javno komunalno preduzeće, odnosno pravno i fizičko lice kome je povjereno vršenje ovih poslova.

Član 32.

U vrijeme ozbiljnih kriznih situacija praćenih uginućem velikog broja životinja, neškodljivo uklanjanje/uništavanje leševa treba izvesti u što kraćem vremenu i na način kojim se, što je više moguće, minimizira kontakt sa leševima. Transport leševa treba svesti na najmanju moguću mjeru.

Leševi moraju biti uklonjeni što je prije moguće, a maksimalno unutar 48-72sata.

Član 33.

Odabir odgovarajućeg metoda i mjesta uklanjanja ovisi o ekonomskim, socijalnim i faktorima okoliša, te o raspoloživim objektima za neškodljivo uklanjanje/uništavanje (kafilerije, spalionice, jame grobnice, stočna groblja i dr.)

Spaljivanje ili pokapanje, kao metode neškodljivog uklanjanja, predstavljaju stanovit ekoliškirizik te je saradnja sa ministarstvom okoliša od posebnog značaja.

Pri odabiru metode uklanjanja/uništavanja treba dati onim metodama kojima se izbjegava ili ipak minimizira korištenje javnih puteva.

Spaljivanje leševa na otvorenom rezultira relativno benignim otpadom (pepelom) koji ne privlači štetočine. Ipak, masovno uklanjanje/uništavanje leševa spaljivanjem na otvorenom prostoru rezultira velikom količinom pepela čije uklanjanje predstavlja dodatni potencijalni izazov za okoliš (kontaminacija podzemnih voda i zemljišta).

Obzirom na dekompoziciju (raspadanje) leševa, i posljedičnu mogućnost onečišćavanja podzemnih voda, pokapanje (jame, grobnice, stočna groblja) kao metod uklanjanje/uništavanjepovlači posebne mjere nadzora nad odabranom lokacijom, pogotovo ukoliko se radi o velikoj količiniorganskog materijala. Stoga je praksa pokapanja preporučljiva za relativno manje količine materijala kojeg treba neškodljivo ukloniti.

Član 34.

Obzirom na mogućnost curenja sadržaja iz jama grobnica, pri odabiru lokacije za pokapanje treba imati u vidu vodne resurse (vodotokove, ribnjake, kapitaže, bunare, podzemne vode.) Stoga dno jame grobnice mora biti najmanje jedan metar iznad nivoa podzemnih voda, a lokacija ne smije biti vodoplavna.

Član 35.

Nivo personalne zaštite treba biti proporcionalnom riziku i stepenu i vrsti uključenosti u aktivnost uklanjanja leševa. Osobe uključene u poslove neškodljivog uklanjanja moraju posjedovati personalnu zaštitu (PZO) koja pored ostalog obavezno uključuje rukavice, gumene čizme, kombinezone, maske i kape.

Osobe koje rade na kopanju jama, grobnica iz praktičnih razloga ne bi trebale biti u direktnom kontaktu sa kontaminiranim materijalom i leševima.

Tokom izvođenja poslova uklanjanje/uništavanje leševa, te nakon njih, treba voditi računa o mjerama dezinfekcije osoblja i opreme uključenih u ovaj proces.

XII PROCEDURA UKLANJANJA/UNIŠTAVANJA LEŠEVA POKAPANJEM NA LICU MJESTA

Član 36.

U nedostatku ili kada su kapaciteti kafilerija (spalionica) nedovoljni, pokapanje na licu mjesta je najčešći način neškodljivog uklanjanja leševa sa javnih površina.

Član 37.

Osnovni faktori koji utiču na odabir lokacije za poklapanje su geološki, hidrološki i faktori biosigurnosti.

Pri odabiru lokacije treba izbjegavati pješćana, šljunkovita i stjenovita područja te područja u blizini deponija komunalnog otpada obzirom da vodotopivi sastojci i patogeni iz leševa i kontaminiranog materijala mogu predstavljati rizik za zdravlje ljudi, životinja ali i za okoliš.

Odabrana lokacija treba biti što je moguće više udaljena od naseljenog područja, vodeći računa o podzemnim instalacijama (vodovodne i plinske instalacije, električni vodovi i dr.)

Minimalna udaljenost lokacije pokapanja od vodnih resursa (izvori, potoci, rijeke, bunari, vrtače, treba da je 100-150 metara).

Dno jame grobnice mora biti najmanje jedan metar iznad nivoa podzemnih voda, a odabrana lokacija. Na dno jame grobnice nasuti sloj vapna (živog kreča), debljine 10cm, ne smije biti vodoplavna.

Član 38.

Materijal korišten pri uklanjanju, a koji se ne može dezinficirati, treba pokopati zajedno sa leševima i kontaminiranim materijalom. Ostalu korištenu opremu i materijale, prije napuštanja lokacije, treba obavezno dezinficirati.

Po zatvaranju, površinu grobnice treba dezinficirati ili čak, ukoliko je primjenjivo spaliti plamenikom.

Jamu grobnicu treba vidno obilježiti i fizički ograditi od okoline (npr. Imroviziranom ogradom visokom minimalno 1 metar).

XIII PROCEDURA UKLANJANJA LEŠEVA POKAPANJEM U STOČNA GROBLJA

Član 39.

Lokacija za stočno groblje treba da je „razumno“ udaljeno od naseljenih područja, farmi i javnih puteva, a lokacija mora biti podvrgnuta provođenju striktnih biosigurnosnih i mjera karantena.

Namjenska prevozna sredstva (obično kamion) moraju biti potpuno nepropusna, vodootporna, te podesna za kompletnu dezinfekciju i zaptivanje.

Transport leševa treba izvršiti korištenjem najpodesnije i najkraće rute, po mogućnosti u periodu niske frekvencije saobraćaja (noćni sati).

Nakon uklanjanja leševa životinja lokaciju, objekte, opremu i pribor treba očistiti oprati te potom izvršiti dezinfekciju (završna), dezinsekciju i deratizaciju svih kritičnih mjesta ovisno o karakteristikama pogođenog mjesta/područja.

XIV NADZOR

Član 40.

Nadzor nad provođenjem ove odluke vrše nadležni organi, svaki iz svog djelokruga rada: komunalni redar i komunalni inspektor općine Banovići, veterinarska inspekcija Tuzlanskog kantona, organ nadležan za poslove upravljanja i održavanja zajedničkih dijelova zgrada, kao i pripadnici MUP TK, Policijska uprava Banovići(ovlaštena lica).

Ovlaštena lica postupaju po službenoj dužnosti kada vide postupanje suprotno odredbama Odluke, te prema prijavi fizičkih i pravnih lica.

XV KAZNENE ODREDBE

Član 41.

Ako postupaju protivno ili se ne pridržavaju odredbi ove Odluke kaznit će se za prekršaj novčanom kaznom:

1. pravna lica u iznosu od 1.000,00 do 3.000,00 KM;
2. odgovorno lice u pravnom licu u iznosu od 200,00 do 800,00 KM;
3. fizičko lice u iznosu od 100,00 do 500,00 KM.

XVI PRELAZNE I ZAVRŠNE ODREDBE

Član 42.

Imaoci/vlasnici kućnih ljubimaca, dužni su da izvrše registraciju i označavanje pasa , te način držanja usklade sa odredbama ove Odluke u roku od 90 dana od dana stupanja na snagu ove Odluke.

Član 43.

Sklonište za životinje i higijenski servis iz člana 23. i 24. ove Odluke moraju se osnovati u roku od šest mjeseci od dana stupanja na snagu ove Odluke.

Član 44.

Odluka stupa na snagu danom objavljivanja u „Službenom glasniku općine Banovići“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**

**PREDSJEDAVAJUĆI OPĆINSKOG
VIJEĆA**

**Broj: _____/21
Banovići, _____ 2021.godine**

Robert Lapčević

O b r a z l o ž e n j e

I Pravni osnov za donošenje odluke

Pravni osnov za donošenje ove Odluke je:

Član 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09): Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine. U vlastite nadležnosti jedinice lokalne samouprave pored ostalog spada i zaštita životinja (**član 8**).

Člana 4.st.2. Zakona o komunalnim djelatnostima („Sl novine TK“, br: 11/05, 7/07, 8/12, 14/13 i 11/20), kojim je propisano da će općine/gradovi posebnim propisima bliže regulisati obavljanje pojedinih komunalnih djelatnosti.

Član 26. Statuta općine Banovići („Službeni glasnik općine Banovići“, broj: 2/20), Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine.

Odluka o obavljanju kafilerijskih poslova na području općine Banovići, donosi se u skladu sa:

1. **Zakonom o komunalnim djelatnostima**(„Sl novine TK“,br:11/05,7/07,8/12,14/13 i 11/20). Komunalna djelatnost u smislu ovog zakona je i obavljanje kafilerijskih poslova(**član 4.tačka 13**). Pod obavljanjem kafilerijskih poslova podrazumijevaju se poslovi uklanjanja pasa lualica, eutanazija i neškodljivo uklanjanje životinjskih leševa sa javnih površina.

2. Zakonom o veterinarstvu FBiH („Službene novine FBiH“, broj 46/00) propisano je da je upisivanje pasa u registar i njihovo cijepjenje obvezno za sve držatelje pasa; da pas mora biti obilježen mikro čipom koji mora biti jedinstven na razini Bosne i Hercegovine, a da cijepjenje pasa, vođenje evidencije pasa, te izdavanje službene isprave o tome, vrše veterinarske organizacije, te da troškove upisa pasa, obaveznog obilježavanja pasa i izdavanja službenih isprava snosi vlasnik životinje(**član 13**).

3. **Zakonom o zaštiti i dobrobiti životinja** („Službeni glasnik BiH“, broj: 25/09): Sklonište za životinje osniva fizičko ili pravno lice, jedinica lokalne samouprave, općina, grad, kanton ili entitet. Nadležni upravni organ kantona, grada ili općine izdaje dozvolu za formiranje skloništa za životinje, na osnovu uputstva koje propisuje nadležno ministarstvo, a na prijedlog Ureda, te vodi upisnik skloništa za životinje (**član 28. stav 4 i 5**).

Nadležni upravni organ kantona, grada ili općine izdaje dozvolu za formiranje higijenskog servisa za životinje, na osnovu uputstva koje propisuje nadležno ministarstvo, a na prijedlog Ureda (**član 29. stav 4**). Skloništa i higijenski servisi finansiraju se iz budžeta entiteta, kantona, gradova i općina, te drugih vidova finansiranja (donacije, pokloni itd.) (**član 30**).

4. **Odlukom o komunalnom redu (Službene glasnik Općine Banovići“, broj:7/18.)** poglavlje XI Sanitarno-komunalno uređenje naselja, tačka 2. Držanje životinja i kafilerijski poslovi(član.91.-94.)

II. Razlozi za donošenje odluke

Obzirom na dugogodišnju pojavu većeg broja pasa lotalica, svjedoci smo čestih ekcesnih situacija u jeda pasa, kako djece tako i odraslih, te napada na stoku (stada ovaca) na području općine Banovići. Pored ugriza i straha koji izazivaju kod građana, te pričinjavanja materijalne štete građanima, napadi pasa lotalica mogu imati dalekosežne i trajne posljedice na zdravlje ljudi, a naročito kada je u pitanju psihofizičko zdravlje djece. Zbog svakodnevnih napada i ugriza pasa lotalica, građani se sve češće odlučuju na tužbe, a sudovi uglavnom donose presude u njihovu korist.

Učestalih tužbe građana i visokom iznosu sredstava koja se uplaćuju za naknadu štete po izjavljenim tužbama, predhodile su izradi i donošenju ove Odluke u cilju prevazilaženja pomenutog problema kao i povećanja bezbjednosti građana općine Banovići.

Na području općine Banovići do danas nije osnovan higijenski servis i sklonište za životinje, a čija izgradnja i funkcionisanje iziskuju značajna finansijska sredstva.

U rješavanju problematike pasa lotalica planira se izdvajanje budžetskih sredstava za obavljanje kafilerijskih usluga, te sterilizaciju i kastraciju pasa, kako bi se stabilizirao broj pasa lotalica na području općine.

Sterilizacija pasa je ključni preventivni korak u kontroliranju populacije pasa lotalica, ali je samo dio rješenja.

Da bi se ovaj problem sistemski rješavao, te eliminirali uzroci koji dovode do pojavljivanja brojnih pasa lotalica, predlažemo donošenje Odluka o obavljanju kafilerijskih poslova na području općine Banovići, propisuje obaveze i odgovornosti davaoca i korisnika komunalne djelatnosti, način finansiranja i osiguranja sredstava za obavljanje kafilerijskih poslova, uslovi i načini držanja kućnih ljubimaca, nadležnost veterinarske ili ovlaštene organizacije, registracija i kretanje životinja po javnim površinama i objektima javne namjene, kontrola razmnožavanja, nadležnost veterinarske ili ovlaštene organizacije, način postupanja sa izgubljenim i napuštenim životinjama, psima i mačkama lotalicama, skloništa za životinje, usmrćivanje i eutanazija životinja, neškodljivo uklanjanje životinjskih leševa, procedura uklanjanja/uništavanja leševa pokapanjem na licu mjesta, procedura uklanjanja leševa pokapanjem u stočna groblja, nadzor i kaznene odredbe.

**Služba za stambeno komunalne poslove,
društvene djelatnosti i zajedničke poslove**